



Mla er a President Thomas S. Monson

Molebedebek er a Rolel a Bekesel a Ochim

Me se el domes er a Jesus el Okesiu el me er kid, e doltirakl a bekesel a Ochil, e ng sebeched el selbechakl e lemuut el mo er a Demad er a Babeluades

Betik er a renguk el rodam me a rudos, a kuba ngariou el reng e dechor er a medemiu er chelecha el tutau. A kulengit er a klaumerang er kemiu me a nglunguchiu el kirek er chelecha el kuuchais er tia el klemechek el mei er kemiu.

Kid el rokui a omuchel er a kmal el ungil e klou a belkul el omerael se er a detobed er a beluu er a redeleb e desoiseb er tia el blechoel el meringel el dauch el domekedong er ngii el klechad. Se el kmal el belkul a klengar er kid er tia el beluulechad a mo sebeched el ngmai a bedenged er a tech me a chiuvis, me bo el sebeched el ngmai a klemedengei el di sebechel el mei el okiu a klekakeakl er kid lobengterir a delad me a demad er a babeluades, e mo omes a lsekum e ng sebeched el oltirakl a llechul a Dios. Chelsel a hong er a Abraham er a ongedei el bliongel, e kede chiuii el

kmo: E a lsekum e kede mo ochotii el mo er tir er chelechang, el mo omes a lsekum tem o meruul a rokui el tekoi el ngii a Rubak el Dios er tir a mo ngmai el mesterir¹

Se er a de mei er tia el beluulechad, e kede ngilai lobengked a ike el meringel el chad el sengk er a Dios—uldimukl er ngii a mimokl el omelilt er kid. Chelsel a betok el telael el blekeradel e kid a sebeched el di kid el melilt. Ngar er tiang e kede smuub er a ike el meringel el ngerachel el okiu a klemedengei er kid. Ke de metebengii a ungil me a mekngit. Ng sebeched el dirrek el mesa klekakerous er a mechuached me a merkos. Kede subii el kmo aike el dolilt a mo ochotii sel ulebengelel a omerolled.

Ak kmal medengei el kmo kede mlo cheroid er a Demad e kmal mle imis el soad el lemuut el mo obengkel, me bo el sebeched el mo nguu sel kot

el ngarbab el klebkall el Ngii a mla mdesuui el kired el ngii a kmal el soad. Me ng uaisei el di kid el mo osiik e oltirakl er a rael el ngii a mo mekrolid el lemuut el mo er a Demad er Babeluades, Ngii a dimlak lodureklid el mei er tiang el diak lak a roled me a omekrael er kid. Ng bai, Ngii a mla meskid a dongu el dousbech, e Ngii a mo olengeseu er kid se el dosiik a ngelsuil e de blak a rengud el meruul aike el rokui el oba a klisiched el outekangel el mo er a ulebongel el mo nguu a diak a ulebengelel el klengar.

Sel mo olengseu el omekrael er kid a tekingel a Dios me a Ngelekel el dolab el debetik er a chedaol el llechukl. Kede olab a omellach me a osisecheklir a reprofet er a Dios. Se el kot el ngar er bab e klou a ututelel, ke de mla nguu a kmal ungil lokesiu—el ngii a okesiul a Rubak el Osobeled, el Jesus Kristo—e dirrek el mla mosisechakl el mo oltirakl er tia el okesiu. A Osobel a di mle Ngii el meleko: “Mei, e moltirakl er ngak.”² “A ureor el kau a mla mesekak el meruul a kirem el dirrek el meruul.”³ Ng uleker er tia el ker, “Ng ngera el teletael er a rechad a kirem el mo uai ngii?” E ngii a ulenger el kmo, “Chelechang e ak subedau el kmo, el di mo uai a teletelek.”⁴ “Ng lilechesii a rael e ulemekrael er a rael.”⁵

Me se el domes er a Jesus el Okesiu el me er kid, e doltirakl a bekesel a Ochil, e ng sebeched el selbechakl el lemuut el mo er a Demad er a Babeluades e mo kiei el obengkel el mo che-rechar. Ua ike el dilu profet el Nephi, “A lsekum e a chad a diak el outekangel el mo er a ulebongel, el oltirakl a okesiul a Ngelekel a ngar el Dios, e ng diak el sebechel el mo suobel.”⁶

A ta er a mechas, er a bek el taem a omekesiu er a ta er a mle duu-bech el me er ngii er a loldingel er a Chedaol el Chutem, a melekoi, "Ak milrael er a ble lorael er ngii a Jesus!"

Ngika a mla er a basio el kmeed er a le kilie er ngii a Jesus e lolsisechakl. Ngika el mechas a mlo dechor er a bad el ngii a Jesus a mle ta el dechor er ngii me a lechub e ng ulemes er a cheldellel a rois el Ngii a ble el ta el mechas a rengul el kirel. Aika el tele-tael, er a chelsel me a dirrek el ngii, a ble lousemeriar; e ng di teletael el merael er a *ble* lurrael er a ngii a Jesus a diak el sa el klou a ultutelel er a merael *el* uai Ngii. Se el domekesiu a blekerdelel e doltirakl a okesiul a kmal el cheroid el klou a ultutelel er a di dolasm el merael er a ike el ble lorael er a klengar er ngii el klikiid.

Se er a Jesus er a lodars el mo er a dersta el merau tia el omengemedaol, "Mei, bo moltirakl er ngak,"⁷ Ngii a dimlak er a rengul a kmo a merau el chad a mo oltirakl er Ngii el mo oleiong a bukl me a dellas er a beluu er a sers.

Ng diak a belkul el dorael er bita er a kederang er a Galilee me a lechub e ng bukl er a Judea el mo merael er a ike el lurael er ngii a Jesus. Kid el rokui a sebeched el merael er a rael el luleak ngii se el, dorrengeles a tekingel, Chedaol el Reng er Ngii el omekkeek a rengud, me a osisecheklel el omekrael a klengar er kid, e kede melilt el mo oltirakl er Ngii se el dorael er tia el beluulechad. A okesiul a omekellomes er a rael. Ngii a milekoi, "Ngak a rael, e klemerang, e klengar."⁸

Se el domes er a rael el lulekiu ngii a Jesus, e kede mesang el kmo ng ngilai a betok el osisiu el ongarm el kid a chelbangel er tia el klengar.

A okesiu, A Jesus a milrael er a rael er a omekikngit el reng. Me ng uaisei el lulengard a betok el omekikngit el reng, a ta er a klou el klengit el reng a mlocholt er a kngtil a rengul er a le ngar a Jerusalem er a longesimer er a osisecheklel er a buai. A rengalek er a Israel a mle kotouar er

a omesebechakl el Ngii a mle oldars el mo er tir. Tia er a lomes el meliuekl er tia el beluu el di kmedung e ng mo cheloit er a klou el telemall, Ngii a mlo mesisiich er a omelechuesuar er a klou el klengit el reng. Klou el klengit er reng e ng lilangel el kmo, "Oi, Jerusalem, Jerusalem, el milkodeterir a reprofet, e ulumekemad er tir el mlo-durokl el me er kau; ng betok el taem el kungudel er a rengelekem, el ua dechuu el mengudel er a rengelekel er cheungel a osebekel, e kau lak!"⁹

A Jesus a milrael er a rael er a ongetikaik. A Lucifer, ngike el diabelong, a mengudel er a klou el klisichel, ousbech er a kmal cheleblad el omengetakl, el milngetikaik er Ngii er a le omeksongerer el okeua el sils me a okeua el klebesei. A Jesus a dimlak el rebet; ng bai, Ngii a mlo kotouar aika el dersta el ongetikaik. A tekingel er a omelmesumech: "Bom cheroid, e Diabelong."¹⁰

A Jesus a milrael er a rael er a ringel. Bo molbedebek er a Gethsemane, se er a le ngar er a "chelsel a klou el ongarm . . . e a klsbengel a mle klou el resechel el oldalech el mereberebet el me er a chutem."¹¹ E diak a chimong el sebechel el obes er a le bo el chuarm er a ringel el kerus.

Dersta er kid a mo merael er a rael er a telord el reng, e le uchul altang a techall el mla mo dibus, klisiich el dimlak lmutaut, me a omelilt er a betik er a rengud, me a lechub e ng ngike el di kid el melilt el meruul. A rael er a ongetikaik a dirrek el mo ro-lel a dersta er kid. Kede menguiu er a chelsel a 29 el bliongel er a Doctrine and Covenants: Ng kmal el kirel el ngar er ngii a diabelong el mengetikaik er a rengelekir a rechad, e a lak e ng diak a mimokl er kid el melilt.¹²

Osisiu el kired el merael er a rael er a ringel. Kid, el mesiungel, a sebeched el melebedebek a diak el bo el betok er a Mastang, el ngii a chilitii a klechad er a beluulechad el uriul er a klou el ringel me a ongarm.

Me se el de betik a roled el meringel el klengit el reng, e ng uaisei el sebeched el metik a klou el deurreng.

Kid, el obengkel a Jesus, a sebeched el merael er a rael er a olengesenges. Ng diak el blechoel el beot, e ng di de becherei a se turrekong er kid el mo uldelid er a ike el ngii a lebileskid a Samuel. "Momes, a olengesenges a lmuut el ungil er a mo chuarm, e a orrengeles a ungil er a lekel a sechal el sib."¹³ Mei melak dobes el kmo a mo telemellel a diak lolengesenges a kelbus me a kodall, e a sengk er a olengesenges a mimokl me a diak a ulebengelel el klengar.

Kid, el ua Jesus, a sebeched el merael er a rael er a olengeseu. El di uaia dmiich el lloimes el osiik e omekellomes a klungiaol a taikid a klengar er a Jesus er a lolsisechakl er a delongelir a rechad. Ng milsterir a klisiich a rechitechut, ues el mo er a remeuiko, me a orrengeles el mo er a dingerir a remechad.

A Jesus a milrael er a rael er a nglunguuch. Ng ulsisechakl er kid el kmo ng mekera doluluuch meng milskid a ungil ngluchuuch el do-dengeli el nglunguchel a Rubak. E techa sebechel el obese era nglunguchel er a Gethsemane: "Ng diak el soak, e ng di, soam bo el mutaut."¹⁴

A bebil er a omesodel el bileskid a Osobel a ngar er a chereuel a chimad, el debetik er a chelsel a chedaol el llechukl. Ngar er a Osisecheklel er a Rois, Ngii a uluuchais er kid el mo chubechub, mo ngar er eou a rengud, bo melemalt, e mo klikiid a chelsel a rengud, e mo chad er a budech. Ng mle olsisechakl er kid el mo dechor el bekeu el kirel a doumerang, e dirrek er a chelsel a taem er a oltuub me a odechelakl. Ng ulengit er kid el mo mechei a llemesed me lolidiich me a rebibil bo el sebechir el mesang e bo el sorir el kobkelii a Demad er Babeluades. Ng osisecheklid el mo kedung el beches lokuu a uldesued me a omerelled. Ngii a ouchais er kid el kmo ng kmal cheroid el klou a belkul el dongisois a mekreos er a rengud er a babeluades er a bai le ngar er a beluulechad.¹⁵

A olachitnger er Ngii a olsisechakl el oba a klisiich me a deruchall. Ngar

er a cheldechoduch er a ungil el Samaritan, e Ngii a olsisechakl er kid el mo oubeltikerreng e olengeseu er a retonari er kid.¹⁶ Ngar er a ollachitnger er ngii er a kldachelbai, e Ngii a olsisechakl er kid el mo melasm el mo ungil e blak a rengud el mo cherrungel.¹⁷ Ngar er a cheldechoduch er a mlo dibus el sib, e Ngii a olsisechakl er kid mo ngar er a siik el olengeseu er tirke el mla ngmai bedengir er tia el rael e mla remiid er a omerollir.¹⁸

Mese el de blak a rengud el nguu a Kristo el mo ngar er uchei er a klengar er kid el mesuub a tekingel, oltirakl a osisecheklel, e merael er a roel, Ngii a mla yaksok el mo meskid a diak a ulebengelel el klengar e Ngii a mlad el mo nguu. Ng diak a ngar er bab er tiang, me ng kired el kongei el nguu a omellach er ngii e mo disaiplo er a ngii e meruul er a urerel er a chesel a klengar er kid. Ng diak a ngidi el ngerang, me a ngi di el omelilt el doruul, el sebechel el rullid el mo uai sel Ngii a sebechel.

Se el kulatk er tirke el tir a kmal el ngar er ngii er a rengrir a melasem el oltirakl er a okeisuil a Osobel el tir a milrael er a roel, ng kmal mei er a uldesuek a ngklel a Kustab me a Markaret Wacker—teru er a kot el di uai blekerdelel a Kristo el kudengelterir. Tirka a kmal el chad

er a Dois el mle kiei er a Canada, e ngak a mlo medengelterir er se er a kusiu el merredel er a mision er sei. A Odam el Wacker a mle oureor el chad er a omengimnd el chui. El uaisei el ududir a mle telkib el metarchebesul, te milrous aike el rokui el mla er ngii er tir. Te dimlak el ngeltengat el mlo oungalek, e ng di te ululengeseu er tirke el rokui el mle tmuu er a blirir. Rsechal me a redil el ngarbab a skulir me a omerellir a mlo osiik er tirka el ngar er eou a rengrir, diak el mungakl el mesiungel a Dios e lomechur er tir el ungil a chung er tir el mengoit a ta el sikang el obengterir.

A teletelir a mle osisiu, a tekingir er a Ngebard a mle telkib el meringel a domtab, a blirir a mle ua teletelel. Ng dimlak a mlirir me a TB er tir, me a dirrek el bebil er a klalo el ngii a beluulechad a mle sorir. E ng di a klaumerang er tir a mle mesisiich er a rael el mo er a chesmerir el mo uchul e te mo nguu a Chedaol el Reng el mla er sei. A blirir a mle babeluades er tia el beluulechad, e a Chedaol el Reng a mle dmiich el ua mechellings el budech me a ungil el tekoi.

Kid a dirrek el sebeded el nguu a Chedaol el Reng e omerek er ngii el obengkel a beluulechad se el dorael er a roel a Osobel e doltirakl er a cherrungel el okesiul.

Kede menguii el ngar a Osisechakl a omellach el kmo, “Molbedebek er a roel a bekesel a ochim.”¹⁹ Se el doruul er tiang, e kede mo obang a klaumerang, me a dirrek el rengud el soal, el mo merael er a rael el Jesus a milrael er ngii. Kede mo diak doumedenger el kmo kede ngar er a rael el ngii a Demad a soal kid a doltirakl er ngii. A okesiul a Osobel a meskid a siasing er a rokui el doruul, me a tekingel a meskid a diak a rebetel el omekrael. A roel a mo ngoikid el mo el mo remei el selbechakl. Mei me tia bo el klengeltengat el mei er kid, ak meluluuch, el oba ngkel a Jesus Kristo, el ngii a betik er a renguk, el ngii a kusiu er ngii, el ngii a kuchais el kirel, amen.

ULEKLATK

1. Abraham 3:25.
2. Lukas 18:22.
3. 3 Nephi 27:21.
4. 3 Nephi 27:27.
5. Eliza R. Snow, “How Great the Wisdom and the Love,” *Chelitalak*, no. 195.
6. 2 Nephi 31:16.
7. Lukas 18:22.
8. Johanes 14:6
9. Lukas 13:34.
10. Mateus 4:10.
11. Lukas 22:44
12. Mesa Doctrine and Covenants 29:39.
13. 1 Samuel 15:22.
14. Lukas 22:42
15. Mesa Mateus 5:6
16. MesaLukas 10:30–37.
17. Mesa Mateus 25:14–30.
18. Mesa Lukas 15:4–7.
19. Chosisechakl 4:26.

Osisechakl er Chelechal Taem

Ngomuchel er a October 2014 el mo el muut er a April 2014, e a suobel er a Melchizedek Priesthood me a Relief Society er sel ongeua el Sandei a kirel el mengai er a ta er a cheldechoduch er sel klou el ongdibel er a October 2014. Chesel a April 2015, ea cheldechoduch a sebechel mengai er a October 2014 malechub a April 2015 el klou el ongdibel. A remerreder er a stake me a district a sebecherir el ngmilt a cheldechoduch el bo lousbech, malechub e te nguu tia el ngerachel el mesterir a rebisop me a remerreder er a branch.

Aikal cheldechoduch a ngarnngii er a kakerous el omelekoi el ngara conference.lds.org.



Mla er a President Dieter F. Uchtdorf

Ongerung el Counselor er a First Presidency

Ngeiul a Klaumerang er Kid el kirel a Llomes me a Klemarang

A klaumerang er kau er a llomes me a klemarang a diak el di lomengkeltengat er kau me a ruldidelel a rsechem er tial klengar er chelechang, nga bai dirrek el mo obengkem el mo cherchar.

Sera kumekall a skoki, e ng betok el kumekall el kemandet el taem er a milkolk el oleong a meklou el bleluu me a daob. Kumes er a ilkelkel a eanged er a mado, el di blechoel lomes er a Milky Way, eng blechoel el rullak el mo omdasu er a klungel me a delechel a blebelel a Dios—el chedaol llechukl a mesaod el “beluulechad el diak el mochr.”¹

Ng kmal dirk mekesai er a dart el rak er a mla memong el roumesingd el astronomers a ulemdasu el kmo tial Milky Way a di mle imong el galaxy el ngar a melidiul.² Te locha ulemdasu el kmo a ngara ikrel tial galaxy a di metu, e diak a ngera er ngii—bechachau, mekelekolt, e diak a bduch, llomes, me a klengar.

A telescope er sera le meruul el mo ungil—uldimukl a telescope el seichel mo medechel er a melidiul—e

a re astronomer a mocha omuchel el mesa klebekelel, el ngii a diak el seichel el mdsu el kmong klemara el tekoi: a melidiul a imong el metu er sel di mla kot el uldesued el kirel, e a eanged a mui er a diak el mochr el galaxy, el meral imis el cheroid er kid, e a derta er ngii a oltekau a betok er a dart el bilion el bduch.³

Ng di mle chesel a kedeb el taem, e a dodengei el kirel a melidiul a di mlengodech.

Chelecha el sils eng seichel el mes a bebil er a ikal kmal cheroid el galaxy.⁴

Kede medengei el kmo a ikang a ngar er sei.

A ikang a di mla ngar sei er a kmal meketeketa el taem.

Eng di uchei er a rechad er a le borngii a dongu er tir el mesisiich el chemudel a llomes er a eanged e

okeed a ikal galaxy meng mo seichel el mes, eng dimlak doumerang el kmo a ikang a ngarngii.

A delechel a melidiul a dimlak el di blel keberuul el mengodech, ng bai osenged me a klemedengei er kid er tial klemarang a bai mle klou el mengodech. Me ngokiu tial klou el llomes, e a rechad a mocha mes a ikal klebokel el ues el dimlak a tang me de mdsu el kmo ngarngii.

Ng Meringel er Kid el mo Oumerang a Diak el Seichel el Mes

Omko meng seichel el mo odngelii a ngaramong el taem e mengedecheduch er a rechad el kiliei er a ta el telael malechub a dart el rak er a mla memong. Ka momdsu a mesaod a ikal beches el klekedall el kau me ngak a mes el tebedechel a klengar er chelechang. Tiakid a okesiul tang, tirka el chad ngera te mo omdasu sel douchais er tir er a meklou el skoki, microwave oven, klekedal er a chim el ngarngii a betok el tekoi, videos er a rengelekir a rengeleked el seichel mochr er a kedeb el taem el mora re milion el chad el iueklii a belulechad?

A rebibil a locha mo oumera er kid. E a rebetok a locha mo oltuub, omtok, malechub e te locha mo osiik roel el merrob er kid louchais malechub e te mo melellmall er kid. A rebibil a mo melasem el omes a ikal tekoi loku a tabesul ludasu, uchul eng ngarngii, me a okiu a klemarang el lodengei el mo olecholt el kmo kede cheleuid, kebelung, malechub e kede kengaol. E locha tirterid el melasem el menguide er a rebibil.

Ng di kede medengei, tirka el chad a di cheleuid. Te locha ungil

a moktek er tir e melekoi el ngara rengrir. Te locha meral oumerang er a uldesuir el klemerang. Eng di ng diak el sebechir el mesa el mounsil e leng dirkak el ngai a cherrungel el llomes er a klamerang.

Telbiil el kirel a Llomes

Tiang a kora ual teletelir a rechad el omdasu el kmo te merang ngii mesel le cheleuid. Me a lsekum tiang a uaisei, e ngera doureng el sebechel mo mutaut? Kid kerdi mo chad el diak bo dodenge klemerang leng ngii el kmal betok a kebosech el uldasu, meng di mo kid el ultui er a dodengei me a doumerang?

Ng sebeched el mo metik a klemerang?

A moktek er a cheldechedeckak a mo ouchais er a meang el chais el Ngii el Dios—el Rubak er a Rokui el medengei a rokui el klemerang—a mla mesterir a rengelekel a telbiil el kmo tir a sebecherir el mo medengei a klemerang.

Kulengit me bo momdasu er a delechel tia el telbiil:

A Diak a Ulebengelel el Oba Klisiich el Dios, el Milebii tial klou el melidiul, a mo mengedecheduch el mo er tirkel tir a mo er Ngii el meral ngar a rengrir e ungil a moktek er tir.

Ng mo mengedecheduch er tir lokiu a berrous, ues, uldasu, me a omelechiesiu er a reng.

Ng mo mengedecheduch lokiu a beot el roled el ngii a kuk ngarbab er a rokui el dodengei. Ng mo mesterir a ulekrael el mlar bab el mei me a nger el kirel a klengar er tir.

Oi, te ngarngii a mo oltuub e melekoi el kmo a ika el tekoi a diak el sebechel mekedmokl, e le a lsekum meng ngarngii a Dios, eng di bita el ngarngii a lmuut el meklou el tekoi el kirel meruul meng diak longoit a temel longer a nger er a di chimo el chad.

Eng di a kuuchais er kau: A Dios a omekerreu er kau. Ngii a mo orrenges, e Ngii a mo onger a kerim. A nger er a nglunguchem a mei lokiu a teletael el soal me a taem el soal

a Dios, me a le uaisei, eng kirem el momeduch el orrenges er a ngerel. A Dios a soal a obo betik er a rolem el mo er Ngii, e a Osobel ngii a rael.⁵ A Dios a soal a bo mosuub er a Ngelekel, el Jesus Kristo, me bo modengeli a dmolech el budech me a deureng el ngii a mo er tirkel oltirakl er a rael er a chedaol el kle-disaiplo

Re sechelik, ng ngarngii a beot el roled eng mekedmokl, el ngii a merang er a medal a Dios, el debetik er ngii er a uodel chedaol llechukl el mora re bek el chad, redil, me a ngalek el soal el mo melasm er ngii:

A kot, eng kirem el osiik a tekingel a Dios. A belkul tiang a kmo ko mo menguii a chedaol llechukl e mesuub a tekingir a re profet er a ngaramong me a chelecha el taem el kirel a mla moluut el ebangelio er a Jesus Kristo—el moktek er kau a diak bo moumededenger malechub e mosiik a kngtil e bai oba meral blak el reng el mo metik a klemerang. Bo mungil lomdasu a ikel tekoi el momelechiesiu, e mongedmokl er a uldesuem el mo melai a klemerang.⁶ “Ngii me a lsekum eng soam el mo oumerang, e becherei me bo loureor er a rengum . . . me bol sebechem el msang a techall me bo loureor a [tekingel a Dios].”⁷

Ongerung, eng kirem el mo omes, omdasu, e bekeu el mo oumerang,⁸ e mo oureng a saul er a klechubechub er a Rubak el kirel a rengelekel er sera le temel a Adam el mei er chelecha el sils el lomeskid a re profet, chad er a ues, me a chad er a ulaoch el mo mengetikaik er a Ikelesia er Ngii el olngeseu er kid el mo metik er a roled el lemuut el mo er Ngii.

Ongedei, eng kirem loker er a Demam er a Babeluades, el oba a ngklel a Ngelekel, el Jesus Kristo, el mochtii a klemerang er a Ikelesia er a Jesus Kristo er a Uriul-klebesei el Santo el mo er kau. Moker loba blak el reng e ungil a moktek er kau, el oba klaumerang er a Kristo.⁹

Ng dirrek el ngarngii a *ongeuu* el dauch, el bileskid a Osobel: “Alsekum me a chad a meruul a soal a [Dios],

eng momedengeli a osisechakl, el kmo ng mla er a Dios, malechub eng di tekingek.”¹⁰ Me a lechub, sel mola-sem el merritel el kmong klemerang osisichakl er a ebangelio, eng kirem el kot e koltirakl. Mngai a ika el llechul me a osisechakl er a Ikelesia el mo melasem er a klengar er kau. Bo moruul er ngii el meral ngara rengum me a omelemolem el klaumerang er a Dios.

A lsekum e ke remuul a ika el tekoi, e a Dios a otorkeklii er kau a telbiil el bilskau—e leng rengodel er a Tekingel—el kmo Ng mo ocholt a klemerang leko er kau lokiu a klisiichel a Chedaol Reng. Ng mo meskau a ngarbab el llomes el mo sebechem el omes er a chelsel a ilkolke e sioning a dirkak er a ulsasul el klebokel ues el ngii a meringel er a dichad el mes.

A rebebil a locha mo melekoi el kmo a ikal dauch a kmal meringel me a lechub eng diak a ultutelel. Eng di ak melekoi el kmo sel klaumerang er a tal chad el kirel a ebangelio me a Ikelesia a kot el klou a ultutelel el kirel ngiuul er chelechang el klengar. Ng diak el di le bo lomkngeltengat el omekrael er kau er tial klengar, eng dirrek el ngarngii a bol relii er a klengar er kau el mo cherechar.

A Tekingel a Reng a Bododengei el di Okiu a Chedaol Reng e Merkong

A re scientist a mle meringel er tir el mo medengeli a klungel a melidiul dil merko bocha lungil a dongu el sebechel lodak a mesisiich el llomes me bol sebechir el mounsil mesang a cherrengelel tial klemerang el tekoi el ngarngii.

A Apostol el Paulus a ulisechakl er a eruo belkul el osisechakl el kirel a klemedengei er a chedaol tekoi. “A chad a diak el bol ngai a tekingel a Reng er a Dios,” ng milluches el mora rechad er a Korinth, “e leng klebelung a lomes: e dirrek el diak lodengei, e leng blart er a mederit.”¹²

Me a lechub, a lsekum meng soam el mo omtab a chedaol klemerang, e ng kirem el mo ousbech a meral dongu el kirel. Ng diak el sebechem

el mo medengei a chedaol klemerang lousbech a dongu el diak el sebechel loureor.

A Osobel a mla melekoi er kid er chelecha el taem el kmo a ikel ngii a mla er a Dios el mei a llomes; e ngkel ngmai a ikal llomes, e melemolem el ngara Dios, a ngmai a lmuut el bebil er a llomes; e tial llomes a di merael el mo medidiich el molmuut er sel sils el ngii a mocha cherrungel.¹³

Sel de bult a rengud me a uldesued el bedul a Dios, eng mengal el mo klou a llomes er a babeluades el mei er kid. E sel bek el taem el de semeriar e meral osiik er tial llomes, e kede ochotii el mo er a Dios el kldmokl el mo melai a lmuut el bebil er a llomes. Sel lorael mong, e a ikel ngii a mle chebechab, milkolk, e mengemengemed a mo meues lungil, el dmiich, el domelchesiu e kede medengei.

Ngokiu a osisiu el teletael, e a lsekum e kede choridid er a llemesel a ebangkelio, e a llemesed a di merael el mo mengelulau—ng diak el dil chelsel a ta el sils me a lechub a ta el sandei ng bai mekekakil er a kema ngget el taem—e sel deluut lomes ruriul e ng dikeal sebeched el medengelii a uchul e ke duluumerang er a ebangkelio el klemerang. A ikel ble dodengei a kora mla mo klebelung e le a ikel mle bleketakl er kid a diakea dungil medengei, mengab osenged er ngii, e cheridang.

Tiaikid a uchul ea Paulus a mle mesisiich el oumerang el kmo a ikal klumech er a ebangkelio a klebelung el mo er tirkel dikeang, “engdi a mo er [tirkel] mla suobel a ulekiu a klisichel a Dios.”¹⁴

Ng diak a Omekbitang el Skeng

A Ikelesia er a Jesus Kristo er a Uriul-klebesei el Santo a basio el mo er a rechad el kakerous el bedengel a klaumera er kir. Te ngarngii a rebebil el chedal a Ikelesia el klaumera er tir

a mesisiich e ngara rengrir. A rebebil a dirk oureor el kirel. A Ikelesia a blirir a rokui el mo kaukledem, el diak el ior er a klungel ng delechel a klaumera er kid. Ng diak a kudengelii el olangch el bereked er a chesmerel a ikelesia el melekoi el kmo, “A klaumera er kau a kirel ua klisichel tiakid ruchei er a o bomsiseb.”

A Ikelesia a diak el dil bora cherrungel a klechad er tir el chad ng bai mora rokui “mei er a Kristo, me bo mecherrungel er Ngii.”¹⁵ A Ikelesia a mo er a rechad el uai kau me ngak. A Ikelesia a basio er a omengemedaol me a ulekerreu, ng diak el kirel a omeleakl me a otuub. Ng basio el dolisiich, e meruul a reng el mo ungil, e kakatkakl er a omerolled el osiik a klemerang el mla rebab el mei.

E sel mong me ngulebongel, e kede rokui el ngar tial omerael er a skel a llemesel a Dios er a omerolled el ngar a rael er a roltirakl.. Ng diak dolbeakl er a rebebil e le llemesir a kekerei malechub eng diak; ke de bai, omekeroul e melisiich a rokui el llomes me lorael el mo meklou el ungil mellomes, el dmiich, e klemerang.

Telbiil el Mo er a Rokui

Mei e de kengei el kmo ngoumesingd el ngeiul a klaumerang a diak el ureror er a chelsel a ta el bung, ng zikang, malechub a ta el sils. Ng diak el dil tal meruul el borngii. A tekingel omelai el chedaol llomes a nguu a klengar er kid el rokir.

A klaumera er kau er a di ngar el Ngelekel a Dios me a Ikelesia er Ngii el mla moluut, el Ikelesia er a Jesus Kristo er a Uriul-klebesei el Santo, a locha diak el mereched el mei el uai sel soam, eng di ak yaksok er kau: a lsekum meke ruii sel ngerchelem, eng mo er ngii.

Eng meral mo klebokel.

Ak meskemiu tial sioning er ngak er tial tekoi el kmo a chedaol

klemerang a mo obekeek er a rengmiu e mo omekellomes a delbengiu. Ng mo chocholt a mechelings el llomes lobengkel a klebokel el deureng me a budech er a babeluades. Ak mla soiseb er a choua tial omeruul lokuu a klisichel a Chedaol Reng.

El di ua sel telbiil er a uodel chedaol llechukl, el diak a tekoi el sebechel smodii el domelchesiu er ngii el Reng er a Dios a mo rullau el mo mengitakl er a chelitekkel a belikelreng,¹⁶ moldanges el mo er a babeluades, e bol klou a ngerem el oldanges er a ngkel ngii el Kot el Ngarbab el Dios, ng Omderngem, ng Urungulem, ng Mesebechakl er kau, ng Demam. A telbilel Osobel a kmo a lsekum e kosiik, e ke mo metik¹⁷

A kuuchais el kmo tiang a klemerang. A lsekum e kosiik a klemerang er a Dios, el ngii a domes er chelechang eng mengemengemed, diak le meues, e cheroid a di mo mekekakil mo mocholt, mo bleketakl, e mo kmeed er a rengum lokuu a llomes er a krasia er a Dios. Klebokel el chedaol el ues, el diak el meues er a medal a di chad, a mo mocholt el ekor kau.

A kumerang el kmo tial chedaol llomes a sebechel nguu a ngii di el ngelekel a Dios. Tiang a mo omekellomes er a uldesuem, e sumechii a rengum e meskau a deureng er a ikel sils er a klengar er kau. Resechelik, mei e lak mongiil el mo osiik e molisiich er a klaumerang er kau er a chedaol el urerel a Dios, me a dirrek el urerel a llomes me a klemerang el tekoi.

A klaumerang er kau er a llomes me a klemerang a diak el dil lomengeltengat er kau me a ruldidelel a rsechem er chelechang er tial klengar, tiang a bo mnguu lobengkem el mo er a ulebongel, el beluulechad el diak a ulebengelel. Me tiang a kumerang er ngii el tekoi e meskemiu a klengeltengat loba ngklel a Jesus Kristo, amen.

ULEKLATK

1. Mesa Moses 1:39
2. Mesa Marcia Bartusiak, *The Day We Found the Universe* (2009), xii. Ng blechoel el mechas a renguk el kmo kede meral sebeched el ansing a tekinged. Ke de kmal lulis el ansing me ke domdasu el kmo ke dolab a rokui el klemerang. A okesiul tiang: “A Simon Newcomb, el dean er a American astronomy er a uriul er a teruich me a etiu el dart el rak, a millekoi er a longedaol er a observatory er a 1887 el kmo ‘sel denguu er a omesubel a melidiul . . . e sel domes e kede mocha er a ulebengelel a ikel dodengei. . . . Sel desang el kekka er tial ureor el ngii a le chelbangel a re astronomer a di mekesai a beches el tekoi el blal betik e ngii a di klou el omesodel a ikal de bla bo dodengei el tekoi” (Bartusiak, xv).
3. Ng ungil el bo domdasu er a Moses 1:33, 35 loku tial “dirk” el biltik er ngii. E a babier er a Moses el ngara Pearl of Great Price a mlocholt el mora Profet Joseph Smith er a Ongelolem el build er a rak er a dart me a okedei, el ngii a kmeel el ngara dart el rak ruchei er a Edwin Hubble a louchais a le biltik el cheroid el galaxy.
4. Mesa, okesiu, er a Hubble Heritage Image Gallery er a heritage.stsci.edu/gallery/gallery.html.
5. Mesa Johanes 14:6.
6. Mesa 3 Nephi 17:3.
7. Alma 32:27.
8. Mesa Doctrine and Covenants 67:3.
9. Mesa Moroni 10:3–5.
10. Johanes 7:17; dirrek el mesa Psalm 25:14; Johanes 3:21.
11. Mesa Doctrine and Covenants 82:10.
12. 1 Korinth 2:14.
13. Mesa Doctrine and Covenants 50:24.
14. 1 Korinth 1:18.
15. Moroni 10:32; dirrek el mesa Doctrine and Covenants 20:59.
16. Mesa Alma 5:26.
17. Mesa Doctrine and Covenants 88:63.